

«02» մայիսի 2022թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա. Մնացականյանս, քննելով Գրիգորի Սարգսյանի վերաբերյալ նյութերը.

Պ Ա Ր Զ Ե Ց Ի '

2022 թվականի մարտի 07-ին ՀՀ ՊԵԿ Արևելյան մաքսատուն-վարչության աշխատակիցները զննման են ենթարկել ՌԴ-ից ՀՀ ժամանած Գրիգորի Սարգսյանի կողմից վարվող «41XZ001» պետհամարանիշի ավտոմեքենան, որի արդյունքում պարզվել է, որ ՕՖԵյյա Սարգսյանի անվամբ ՌԴ Վերին Լարս անցակետում լրացված 05.03.2022թ. թիվ 10803040/050322/0023834 տարանցման հայտարարագրում և կից ուղեկցող փաստաթղթերում նշված ապրանքներից բացի առկա է եղել չհայտարարագրված 42 հատ 0,7 լիտր տարողությամբ «Organic» մակնշմամբ օղի:

Համաձայն 07.03.2022 թվականի մաքսային զննման ակտի՝ մաքսային մարմինների կողմից դրված մաքսային ապահովման միջոցները վնասված չեն եղել:

Փաստի առթիվ վարորդ Գրիգորի Սարգսյանի նկատմամբ ՀՀ մաքսային օրենսգրքի 203-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն:

ԵԱՏՄ մաքսային օրենսգրքի 142-րդ հոդվածի համաձայն՝ «Մաքսային տարանցում» մաքսային ընթացակարգը կիրառվում է Միության մաքսային տարածքով, ինչպես նաև Միության անդամներ չհանդիսացող պետությունների տարածքներով օտարերկրյա և Միության ապրանքների փոխադրման համար:

ԵԱՏՄ մաքսային օրենսգրքի 302-րդ հոդվածի 3-րդ մասի համաձայն՝ Միության ապրանքները Միության անդամներ չհանդիսացող պետությունների տարածքներով Միության մաքսային տարածքի մի մասից Միության մաքսային տարածքի մեկ այլ մաս փոխադրման համար ենթակա են «մաքսային տարանցում» մաքսային ընթացակարգով ձեւակերպման:

ԵԱՏՄ մաքսային օրենսգրքի 107-րդ հոդվածի 1-ին մասի համաձայն՝ տարանցման հայտարարագրում նշվում են հետևյալ տեղեկությունները՝ հայտարարատուի, փոխադրողի մասին, ապրանքներն ուղարկող երկրի և նշանակման երկրի մասին, այն տրանսպորտային միջոցի մասին, որով տեղափոխվում են ապրանքները, ապրանքների անվանման, քանակի և արժեքի մասին՝ տրանսպորտային (փոխադրման) փաստաթղթերին համապատասխան ապրանքների ծածկագրի մասին, ապրանքների համաքաշի կամ ծավալի մասին, ինչպես նաև ապրանքների քանակը՝ արտահայտված չափման լրացուցիչ միավորներով և այլ տեղեկությունների մասին:

ԵԱՏՄ մաքսային օրենսգրքի 111-րդ հոդվածի 8-րդ կետի համաձայն՝ գրանցման պահից մաքսային հայտարարագիրը դառնում է իրավական նշանակություն ունեցող փաստերի մասին վկայող փաստաթուղթ:

ԵԱՏՄ մաքսային օրենսգրքի 83-րդ հոդվածի համաձայն «մաքսային տարանցում» մաքսային ընթացակարգի հայտագրման դեպքում որպես հայտարարատու կարող են հանդես գալ փոխադրողը, այդ թվում նաև՝ մաքսային փոխադրողը, առաքողը, եթե նա Մաքսային միության անդամ պետության անձ է:

ԵԱՏՄ մաքսային օրենսգրքի 2-րդ հոդվածի 26-րդ կետի համաձայն՝ «փոխադրողն» այն անձն է, որն իրականացնում է ապրանքների և (կամ) ուղևորների փոխադրում (տրանսպորտային փոխադրում) Միության մաքսային սահմանով և (կամ) մաքսային

Գրիգորի Սարգսյանը 2022 մայիսի 02-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 203-րդ հոդվածի հատկանիշներով սկսված վարչական գործի քննությանը մասնակցելու համար, սակայն վերջինս չի ներկայացել:

Այսպիսով, նյութերով պարզվել է, որ Օֆելյա Սարգսյանի անվամբ ՀՀ է տեղափոխվել չհայտարարագրված 42 հատ 0,7 լիտր տարողությամբ «Organic» մականշմամբ օղի, որի վերաբերյալ ՌԴ Վերին Լարս մաքսային կետում տարանցման հայտարարագիր չի լրացվել, այսինքն՝ վարորդ Գրիգորի Սարգսյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 1-ին պարբերությամբ նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ կազմված արձանագրությամբ, 05.03.2022թ. թիվ 10803040/050322/0023834 տարանցման հայտարարագրով և 07.03.2022թ-ի մաքսային գնման ակտով:

Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածի 1-ին մասի 1-ին պարբերությամբ, 206 և 221-րդ հոդվածներով,

Ո Ր Ո Շ Ե Ց Ի՝

1. Գրիգորի Սարգսյանին (անձնագրի համար՝ AU 0440973) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 1-ին պարբերությամբ և նրան տուգանել 50.000 դրամ: /վճարումը 900005024055 հաշվեհամարին, կող՝ 19/

2. Որոշման մասին հայտնել Գ. Սարգսյանին՝ պարզաբանելով, ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՅԱԿԱՆՅԱՆ